

ა(ა)იპ წყალტუბოს წმინდა გაბრიელ
ეპისკოპოსის სახელობის
მართლმადიდებლური სკოლა - გიმნაზია

რეზოლუციის პროგრამა

დანართი №2
დამტკიცებულია სკოლა-გიმნაზიის მმართველი
დირექტორის მიერ. ბრძ № 61/003/ 24. 07.2024წ.

რემედიაციის პროგრამა

რემედიაციის პროგრამას, დაწვევისა და დაჩქარებული სწავლების კურიკულუმის სახით, სკოლა-გიმნაზია სთავაზობს იმ მოსწავლეებს, რომლებმაც სტანდარტული საკლასო რეჟიმით სწავლების პირობებში ვერ შეძლეს ძირითადი ცნებების ათვისება და უნარ-ჩვევების განვითარება დამაკმაყოფილებელ დონეზე, არიან სკოლის მიღმა ან/და არიან სკოლის მიტოვების რისკის ქვეშ. სარემედიაციო პროგრამის კურიკულუმის შინაარსს განსაზღვრავს თავად სკოლა-გიმნაზია, ეროვნულ სასწავლო გეგმაზე დაყრდნობით.

რემედიაციის საჭიროების მქონე მოსწავლეთა იდენტიფიცირების და პროგრამაში ჩართვის აქტივობები:

- ✓ სკრინინგი (საბაზისო უნარების პირველადი მოკვლევა სასწავლო წლის დასაწყისში) და მისი შედეგების ანალიზი;
- ✓ მოსწავლეებზე საკლასო დაკვირვებისა და განმავითარებელი შეფასების ანალიზი;
- ✓ საბაზისო უნარებში ინდივიდუალური მოსწრების ანალიზი;
- ✓ ინდივიდუალური გასაუბრება მოსწავლესთან (სწავლის მოტივაცია, საგნისადმი დამოკიდებულება, თვითაღქმა და სხვ.) და შედეგების ანალიზი;
- ✓ მოსწავლის მოსწრების ანალიზი სხვადასხვა საგანში;
- ✓ გასაუბრება მშობელთან (მოსწრებასთან დაკავშირებული საკითხები, ნებართვა რემედიაციის პროგრამაში მოსწავლის ჩასართავად);
- ✓ ჩატარებული კვლევის შედეგად მოსწავლის სარემედიაციო პროფილისა და საჭიროებების განსაზღვრა)

რემედიაციის პროგრამის ძირითადი საფეხურები:

1. სარემედიაციო პროგრამის და გაკვეთილების გეგმების შედგენა;
2. სარემედიაციო გაკვეთილების წარმართვა;
3. პროგრესის მონიტორინგი, შუალედური შეფასება;
4. ბოლო ეტაპი -შემაჯამებელი შეფასება.

რემედიაციის მიზნების დასახვის SMART -სტრატეგია

S – კონკრეტული (specific)	სარემედიაციო პროცესის/მეცადინეობების მიზანი ძალიან მკაფიოდ და კონკრეტულად უნდა იყოს განსაზღვრული და ერთ კონკრეტულ კომპეტენციაზე ორიენტირებული.
M – გაზომვადი (measurable)	სარემედიაციო მეცადინეობების შედეგი უნდა იზომებოდეს კონკრეტული ინდიკატორების გამოყენებით.
A – მიღწევადი (achievable)	სარემედიაციო მეცადინეობების შედეგად მოსწავლემ უნდა შეძლოს დასახული მიზნის მიღწევა / კომპეტენციის გამომუშავება განვითარების აქტუალურ ზონაზე დაყრდნობით.

R – რელევანტური (relevant)	სარემედიაციო აქტივობები ლოგიკურად უნდა ებმოდეს ერთმანეთს და შეესაბამებოდეს მოსწავლის საჭიროებებსა და დასახულ მიზნებს.
T – დროში განსაზღვრული (timely)	უნდა განისაზღვროს სარემედიაციო პროცესის ხანგრძლივობა და ძირითადი ფაზები.

რემედიაციის წარმართვის ფორმატი:

1. გაკვეთილში ჩაშენება

მასწავლებელი გაკვეთილის მსვლელობის პროცესში ერთ ან რამდენიმე მოსწავლეს მიზნობრივად უტარებს კონკრეტული უნარის გავარჯიშებაზე ორიენტირებულ აქტივობებს

2. გაკვეთილისგან მოწყვეტა

გაკვეთილის მსვლელობისას ერთ ან რამდენიმე მოსწავლეს მცირე ხნით, კლასში ან კლასის გარეთ, სხვა/დამხმარე მასწავლებელი უტარებს კონკრეტული უნარის გავარჯიშებაზე ორიენტირებულ აქტივობებს.

3. დამატებითი გაკვეთილი

არასაგაკვეთილო დროს (ძირითად გაკვეთილებამდე/შემდეგ) ერთ ან რამდენიმე მოსწავლეს მიზნობრივად უტარდება კონკრეტული უნარის გავარჯიშებაზე ორიენტირებული აქტივობები თავისივე ან სხვა მასწავლებლის მიერ

სარემედიაციო პროგრამას ახორციელებს საგნის მასწავლებელი, თუმცა, მნიშვნელოვანია პროცესში დამრიგებლის ჩართულობა და მშობლის მხარდაჭერა.

კლასის დამრიგებელი თანამშრომლობს სარემედიაციო ჯგუფის მასწავლებელთან და ეხმარება მოსწავლეთა აკადემიური პრობლემების კვლევაში; ხელს უწყობს მშობელთა მხარდაჭერას და ჩართულობას.

მშობელი ეცნობა პროგრამის ფარგლებში მოსწავლესთან დაკავშირებულ მიზნებს, გაკვეთილების განრიგს; თანამშრომლობს მედიატორ მასწავლებელთან ბავშვის აკადემიური პრობლემის შესწავლის მიზნით.

სარემედიაციო სასწავლო ჯგუფში მოსწავლეთა ოპტიმალური რაოდენობა სასურველია, ოთხიდან შვიდამდე იყოს, თუმცა, შესაძლებელია მუშაობა წარიმართოს მცირე ჯგუფებში, წყვილებში ან ინდივიდუალურად. რეკომენდებულია კვირაში სამი გაკვეთილის ჩატარება, 40-50 წუთის ხანგრძლივობით.